

GODINA: XVII
 BROJ: 270
 DATUM: 4.12.2020.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
 fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši suradnik za financijska pitanja
 fax: + 387 33 552 810
gregor.juriscic@sogfbih.ba

Sadržaj biltena:

Završen proces izbora najboljih praksi ReLOaD partnerskih JLS u BiH

Direktorica Vesna Travljanin gostovala na TV HAYAT u izbornoj noći

Načelniku Arminu Halitoviću uručen "Orden Evropskog pokreta u BiH"

Webinar na temu pristupa unapređenju socijalnih usluga na lokalnom nivou

Javni natječaj za JLS u FBiH za podnošenje prijedloga projekata za dodjelu sredstava iz Grant Sheme

Obuka za državne službenike na temu izrade strateških dokumenata

Konkure: Nagrada Kaiser Maximilian Preis za evropske zasluge na regionalnom i lokalnom nivou 2021

Najave obilježavanja dana općina / gradova za mjesec decembar / prosinac

Bilten Saveza općina i gradova Federacije Bosne i Hercegovine

ZAVRŠEN PROCES IZBORA NAJBOLJIH PRAKSI ReLOaD PARTNERSKIH JEDINICA LOKALNE SAMOUPRAVE U BOSNI I HERCEGOVINI

U okviru Regionalnog programa lokalne demokratije na Zapadnom Balkanu (ReLOaD) Savez općina i gradova Federacije Bosne i Hercegovine (SOGFBiH) i Savez opština i gradova Republike Srpske (SOGRS) u saradnji sa ReLOaD timom su sproveli proces izbora najboljih praksi partnerskih jedinica lokalne samouprave iz oblasti:

- Transparentnost finansiranja organizacija civilnog društva iz budžeta jedinica lokalne samouprave i
- Uključivanje građana i organizacija civilnog društva u procese donošenja odluka na lokalnom nivou.

Primjeri dobre prakse identifikovani su tokom dva ciklusa ocjenjivanja partnerskih JLS, koja su sproveli SOGFBiH i SOGRS u saradnji sa ReLOaD timom. Ocjenjivanje je vršeno na osnovu unaprijed utvrdjenih kriterija koji su dostavljeni partnerskim jedinicama lokalne samouprave u vidu upitnika i dokumentacije koju su partnerske jedinice lokalne samouprave dostavile uz

popunjen upitnik, a kojom se potvrđuju ostvareni rezultati. Svim partnerskim jedinicama lokalne samouprave više puta je pružana prilika za dopunjavanje upitnika i dostavu izvora verifikacije čime su mogli uticati na svoje rangiranje u procesu odabira najboljih praksi.

Vremenski okvir za procjenu stanja iz obje oblasti je bio 2019. godina, dok je u oblasti Uključivanje građana i OCD u procese donošenja odluka na lokalnom nivou posmatrano u određenim aspektima i zatečeno stanje (npr. dostupnost dokumenata na internet stranici i sl.). Sažetak rezultata provedene analize zajedno sa zaključcima i preporukama sadržani su u brošuri koju možete pogledati na linku ispod teksta. Cilj izrade brošure je da sumira i predstavi postignute rezultate partnerskih jedinica lokalne samouprave, ali i podstakne na razmjenu iskustava i unapređenje u onim JLS u kojima za tim postoji potreba.

Pored Brošure, u svrhu predstavljanja rezultata provedene analize, izrađen je letak i Video animacija, a jedinicama lokalne samouprave koje su ostvarile najbolji rezultat biće dodijeljeno priznanje. Regionalni program lokalne demokratije na Zapadnom Balkanu finansira Evropska unija a provodi Razvojni program Ujedinjenih nacija (UNDP).

Klikom na link ispod možete preuzeti brošuru:

<http://www.sogfbih.ba/index.php?lang=ba&sel=57&view=1966,3>





DIREKTORICA VESNA TRAVLJANIN GOSTOVALA NA TV HAYAT U IZBORNOJ NOĆI



Direktorica Saveza općina i gradova FBiH, gospođa Vesna Travljanin je na gostovanju, na dan izbora, 15. novembra, na TV HAYAT govorila o funkcionisanju lokalnih zajednica, uloge i značaju Saveza općina i gradova FBiH i saradnje sa budućim načelnicima/ gradonačelnicima i općinskim i gradskim vijećima.

Istakla je da je Savez općina i gradova Federacije BiH nevladina i nestranačka

organizacija koja nakon završenih izbora radi sa svim načelnicima i gradonačelnicima u Federaciji BiH.

„Naš primarni fokus jeste da nakon izbora radimo sa svim legitimno izabranim zvaničnicima. Ne miješamo se u izbore, jer to je konflikt interesa u našoj organizaciji. Izborni proces ima direktan utjecaj na nas utoliko što su naše članice, općine i gradovi i što nakon izbora mi imamo naše interne izbore, biramo organe i tijela Saveza općina i gradova FBiH“ rekla je gospođa Travljanin.

Naglasila je da je veoma bitno da su građani upućeni u nadležnost svoje lokalne zajednice i da svoje djelovanje mogu koristiti kroz razne instrumente kao što su mjesne zajednice, forumi, nevladine organizacije itd.

Takođe je navela da je Savez općina i gradova u redovnom kontaktu sa načelnicima i gradonačelnicima, administracijama i općinskim/gradskim vijećima, naravno i sa budućim, nakon što budu izabrani. Nastavlja se borba oko finansiranja jedinica lokalne samouprave i drugih tekućih pitanja.

„Način finansiranja koji je podijeljena nadležnost u Federaciji, vrlo često između kantona i općina što često otežava rad lokalnih zajednica, jer se prenose nadležnosti bez sredstava. Više puta smo javnost izvještavali kada je u pitanju kredit Međunarodnog monetarnog fonda. Na lokalnom nivou se prvo vrata krediti i onda sa jedinstvenog računa Federacije, onih 8.4% od PDV koji pripada općinama, a sad je još i manje zbog manje potrošnje. On je već uskraćen u startu za taj dio, jer se prvo vrata krediti prema međunarodnoj zajednici, a onda se finansiranje općina na neki način problematizira“, istakla je gospođa Travljanin.

Skrenula je pažnju da je Savez općina i gradova u kriznom periodu uspio da općine dobiju 30 miliona KM od kredita MMF-a, od 200 miliona koje je pripalo Federaciji. Savez je predlagao da se 30 miliona podijeli svim općinama i gradovima po načelu solidarnosti i humanosti, na jednake dijelove, po 385 000 KM. Međutim, Federalno ministarstvo finansija je prihvatilo da samo trećinu podijeli na takav dio. Dakle 10 miliona od tih 30 miliona, što je bilo po nekih 125 hiljada po svakoj općini, a ostalo je išlo na projekte.

„Ubijeđena sam da su svi izabrani kandidati na pozicijama načelnika/gradonačelnika, kao i vijećnika spremni da doprinesu razvoju svoje lokalne zajednice i nama će biti zadovoljstvo sarađivati sa njima i unaprijed im čestitam“.



„Ubijeđena sam da su svi izabrani kandidati na pozicijama načelnika/ gradonačelnika, kao i vijećnika spremni da doprinesu razvoju svoje lokalne zajednice i nama će biti zadovoljstvo sarađivati sa njima...“

NAČELNIKU ARMINU HALITOVIĆU URUČEN „ORDEN EVROPSKOG POKRETA U BIH“

Armin Halitović, načelnik Općine Bosanska Krupa, dobitnik je „Ordene Evropskog pokreta u BiH“, najvišeg priznanja koje ova organizacija dodjeljuje partnerima i zaslužnim pojedincima koji su na bilo koji način dali vidljiv doprinos procesu EU integracija naše države, lokalnoj zajednici i drugim oblastima društvenog djelovanja, javljaju iz Kabineta Općinskog načelnika.

Evropski pokret u BiH danas je (9.11.2020.) u Bihaću započeo nedavno najavljen projekt „Obilježavanje 10-ogodišnjice ukidanja viznog režima za BiH 2010-2020“, koji je sastavni dio tradicionalnog projekta „Dan i mjeseci Dana Evrope u BiH“. Tom prilikom načelniku Arminu Halitoviću uručio svoje najviše priznanje - Orden naroda, građanki i građana BiH i Evropskog pokreta.



Bosanskokrupski načelnik, kako se navodi, priznanje je dobio za posebne zasluge i podršku procesu EU integracija Bosne i Hercegovine, za doprinos razvoju lokalnih zajednica u BiH, posebno stvaranje boljeg poslovnog i društvenog okruženja u općini Bosanska Krupa, gradskom, ali i ruralnom dijelu, uz primjenu „pozitivnih evropskih vrijednosti“, odnosno za višegodišnji angažman u interesu svih građana općine Bosanska Krupa, bez obzira da li i kojoj političkoj stranci pripadaju.

„Biti počašćen priznanjem Evropskog pokreta je zaista nešto što vam dokazuje da je dobro

ono što ste radili 12 godina ili 4, zavisno koliko ima mandata. Vjerujemo da će ovo priznanje koje ne smatram ličnim biti podstrek ne samo meni nego i mojim saradnicima da u narednom periodu radimo još više, da dovedemo Evropu u Bosansku Krupu i da ona bude dio nje“, kazao je načelnik Općine Bosanska Krupa Armin Halitović.

Prema ocjeni i mišljenju Evropskog pokreta u BiH, zahvaljujući načelniku Arminu Halitoviću, Bosanska Krupa je postala općina u koju se sve više investira, u kojoj se otvaraju radna mjesta i gdje se brzo razvija industrijska proizvodnja.

„Gospodin Halitović može biti ponosan na svoj rad u proteklih 12 godina. Mnogo je toga učinjenog ali bih posebno izdvojio Poslovnu zonu koja je vrlo dobra, kakvu veći centri nemaju i preko kojeg bi primjera mnogi mogli učiti“, ističe predsjednik Evropskog pokreta u BiH Predrag Praštalo.

Ovo nije prvi put da Evropski pokret u BiH prepoznaje rad i zalaganje u Bosanskoj Krupi. 2014. godine dodijelio joj je plaketu „Evropski otvoreni grad“, 2016. godine proglasio ju je top destinacijom za investiranje, načelnika Armina Halitovića za načelnika decenije, a 2017. godine Bosansku Krupu je prepoznao kao otvorenu lokalnu zajednicu – partner EU integracija i za to joj dodijelio priznanje.

Danas je osim načelniku Halitoviću priznanje „Orden Evropskog pokreta u BiH“ uručeno još gradonačelniku Cazina Nerminu Ogrševiću i poduzetniku Kemalu Hrnjiću. Tri preostala priznanja namijenjena zaslužnim pojedincima sa područja USK bit će uručena u Sarajevu 15. decembra, na godišnjicu ukidanja viznog režima za bh. građane.



Gradonačelnik Cazina Nermin Ogršević i načelnik Bosanske Krupe Armin Halitović prilikom preuzimanja nagrade

KORISNI LINKOVI ZA FONDOVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmmed.eu
<https://tacso.eu/>
<https://euinfo.ba/en/>
www.balkanfund.org
<https://eacea.ec.europa.eu>
www.welcomeurope.com

WEBINAR NA TEMU PRISTUPA UNAPRIJEĐENJU SOCIJALNIH USLUGA NA LOKALNOM NIVOU

Savez općina i gradova Federacije BiH obavještava sve zainteresovane da će se webinar u vezi sa pristupima za unaprijeđenje socijalnih usluga na lokalnom nivou, s posebnim naglaskom na dnevne centre i sprovođenje aktivnosti za podizanje svijesti o ugroženim grupama, održati 10.12.2020. godine.

Webinar će obraditi temu pristupa podizanju svijesti o ljudskim pravima, nediskriminaciji i inkluziji na lokalnom nivou. Održat će se **10.12.2020. u 11h na ZOOM platformi**. Registrovati se možete putem sljedećeg linka: https://zoom.us/join/register/WN_AQQfw5rLRcuz_A1DE45EUQ. Domaćin webinara je Stalna konferencija gradova i opština (SKGO) koja će podijeliti znanja o sljedećem:

- Zašto je važno da lokalne vlasti preduzmu aktivnosti podizanja svijesti za ugrožene grupe u svojoj zajednici?
 - Opći koncept za planiranje, razvoj i implementaciju podizanja svijesti, s fokusom na anti-diskriminaciju i socijalnu inkluziju
 - Najbolja praksa aktivnosti podizanja svijesti u vezi sa socijalnim pravima ugroženih grupa
- Webinari će biti održani na engleskom jeziku, uz omogućen simultani prevod na srpski, albanski i makedonski jezik.

Webinari su aktivnosti NALAS projekta „Jačanje lokalnih kapaciteta za sprovođenje Agende 2030 i principa *Niko zapostavljen niti zaboravljen*“, koji sprovode asocijacije lokalnih vlasti Zapadnog Balkana u saradnji sa regionalnim projektom „Socijalna prava za ugrožene grupe“. Regionalni projekat provodi Deutsche Gesellschaft für Internationale Zusammenarbeit (GIZ) u ime Federalnog ministarstva za ekonomsku saradnju i razvoj (BMZ).

DA LI STE
**STRUČNJAK
UPOSLEN U OPĆINI**
KOJI JE SPREMAN ZA PLANIRANJE I
IMPLEMENTACIJU
**PODIZANJE SVIJESTI
ZA UGROŽENE GRUPE?**

**WEBINAR
Podizanje
svijesti**
o ljudskim pravima,
nediskriminaciji i
inkluziji na lokalnom
nivou

Imat ćete priliku da
naučite o:

- Zašto je važno da lokalne vlasti preduzmu aktivnosti podizanja svijesti za ugrožene grupe u svojoj zajednici?
- Opći koncept za planiranje, razvoj i implementaciju podizanja svijesti, s fokusom na anti-diskriminaciju i socijalnu inkluziju
- Najbolja praksa aktivnosti podizanja svijesti u vezi sa socijalnim pravima ugroženih grupa

Četvrtak, 10. Decembar 2020.
11:00 – 13:00 (CET)
ZOOM

Registrujte se ovdje:
https://zoom.us/join/register/WN_AQQfw5rLRcuz_A1DE45EUQ

Realizirano u okviru projekta „Jačanje lokalnih kapaciteta za sprovođenje Agende 2030 i principa NIKO ZAPOSTAVLJEN NITI ZABORAVLJEN“ koji sprovode asocijacije lokalnih vlasti Zapadnog Balkana u saradnji sa regionalnim projektom „Socijalna prava za ugrožene grupe“. Regionalni projekat provodi Deutsche Gesellschaft für Internationale Zusammenarbeit (GIZ) u ime Federalnog ministarstva za ekonomsku saradnju i razvoj (BMZ).



JAVNI NATJEČAJ ZA JEDINICE LOKALNE SAMOUPRAVE U FBiH ZA PODNOŠENJE PRIJEDLOGA POJEKATA ZA DODJELU SREDSTAVA IZ GRANT SCHEME

Federalno ministarstvo finansija i Projekat integriranog lokalnog razvoja (ILDP), u saradnji sa Federalnim zavodom za programiranje razvoja i Savezom općina i gradova FBiH (SOGFBiH), poziva jedinice lokalne samouprave u Federaciji Bosne i Hercegovine (FBiH) da podnesu prijave za finansijsku podršku u sklopu Grant sheme „Poboljšanje dostupnosti i kvaliteta javnih usluga u općinama i gradovima u FBiH“.

Specifični ciljevi Grant sheme (prioritetne oblasti finansiranja) su:

- Poboljšanje pristupa, kapaciteta, kvaliteta i transparentnosti javnih administrativnih i informaciono-servisnih usluga koje pružaju općine i gradovi u FBiH, tamo gdje nedostatak istih predstavlja ograničenje građanima, poslovnom sektoru i drugim zainteresiranim stranama. (Prioritetna oblast 1 „Administrativne i informaciono-servisne usluge“)

- Izgradnja nove ili poboljšanje kapaciteta i kvaliteta postojeće javne lokalne infrastrukture tamo gdje nedostatak iste predstavlja ograničenje za poboljšanje kvaliteta života i poslovanja građana te poboljšanje zdravstvenih i socijalnih usluga na lokalnom nivou, posebno tamo gdje je to u uslovima izazvanim širenjem virusa COVID-19 prioritet za umanjivanje posljedica pandemije na život i funkcionisanje lokalnih zajednica u FBiH. (Prioritetna oblast 2 „Infrastrukturne, zdravstvene i socijalne usluge“)

Sredstva za realizaciju Grant sheme osigurale su Vlada FBiH, kao i Vlada Švicarske, putem Projekta integriranog lokalnog razvoja koji provodi UNDP BiH. Grant shema se realizira u sklopu finansijskog mehanizma za podršku integriranog i održivog lokalnog razvoja u Federaciji Bosne i Hercegovine.

Korisnici sredstava Grant sheme mogu biti jedinice lokalne samouprave u FBiH, samostalno ili u partnerstvu sa drugim (susjednim) jedinicama lokalne samouprave. Partneri također mogu biti javne ustanove, nevladine organizacije i privatni sektor.

Finansijski doprinos Grant sheme po pojedinačnom projektu s kojim se aplicira ne može biti niži od 50.000 KM niti viši od 100.000 KM. Sufinansiranje od strane jedinice lokalne samouprave koja aplicira za bespovratna sredstva iz Grant sheme je minimalno 30 % ukupne vrijednosti traženog iznosa od Grant sheme.

Više informacija o načinu prijavljivanja i potrebnim dokumentima možete naći na:

<https://www.ba.undp.org/>

<http://www.sogfbih.ba/>



OBUKA ZA DRŽAVNE SLUŽBENIKE NA TEMU IZRADE STRATEŠKIH DOKUMENATA U FBiH



LMS Sistem upravljanja
učenjem

Elektronsko učenje

Prijava

U skladu sa odredbama Zakona o razvojnom planiranju i upravljanju razvojem („Službene novine Federacije BiH“, broj 32/17) u Federaciji Bosne i Hercegovine od oktobra 2019. godine na snazi su: **Uredba o izradi strateških dokumenata u Federaciji BiH, Uredba o evaluaciji strateških dokumenata u Federaciji BiH, te Uredba o trogodišnjem i godišnjem planiranju, monitoringu i izvještavanju u Federaciji BiH, čija primjena počinje od 01.01.2021. godine**, a objavljene su u („Službene novine Federacije BiH“, broj 74/19).

U cilju što bolje pripreme za primjenu ovih uredbi, **Agencija za državnu službu Federacije Bosne i Hercegovine (ADS FBiH)** uz podršku ILDP-a, zajedničkog projekta Vlade Švicarske i Razvojnog programa Ujedinjenih nacija u BiH (UNDP BiH), za sve nivoe vlasti u Federaciji BiH provodi programe obuke za primjenu ovih uredbi. Zakon o razvojnom planiranju i upravljanju razvojem propisuje **obavezu izrade i usvajanja strategija razvoja za sve nivoe**

vlasti u Federaciji BiH za period 2021. - 2027. godine. Kako bi se jedinice lokalne samouprave što kvalitetnije upoznale sa Uredbom, odnosno metodologijom izrade strateških dokumenata u Federaciji Bosne i Hercegovine pripremljen je program obuke **Primjena Uredbe o izradi strateških dokumenata u Federaciji BiH**. Obuka na ovu temu održana je u periodu avgust-septembar 2020. godine.



07
DEC
7-8

Izrada strateških dokumenata u Federaciji BiH, RLO Ilidža i Tuzla

Lokacija: Online

Obzirom da obuku nisu uspjeli pohađati predstavnici iz svih jedinica lokalne samouprave, te imajući u vidu činjenicu da je veliki broj jedinica lokalne samouprave upravo u procesima izrade strategija razvoja za novi planski ciklus 2021. - 2027., ADSFBiH organizira dodatni krug obuke. S tim u vezi, općine/gradovi koji nisu učestvovali u navedenom programu obuke, mogu da putem web stranice <http://www.obuke.adsfbih.gov.ba/> izvrše prijavu osoba za učešće u ovoj obuci koja se održava u periodu od 7. - 8. decembra 2020. godine.

Obuka je prvenstveno namijenjena sekretarima jedinica lokalne samouprave i pomoćnicima rukovodilaca jedinica lokalne samouprave te drugim državnim službenicima koji su članovi razvojnih timova ili rade na poslovima razvojnog planiranja i upravljanja razvojem u jedinicama lokalne samouprave.

Za sve dodatne informacije možete se obratiti na kontakt telefon/mail; ADSFBiH koordinatore za obuku, gđa Sanela Tojaga, mail adresa: sanela.seitanic@adsfbih.gov.ba, ili mobitel 061/997 971.

KORISNI LINKOVI ZA FONDVE
EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.chc.bih-mne.org
www.srb-bih.org
www.interreg-hr-ba-me2014-2020.eu
www.programmemeu.eu
<https://tacso.eu/>
<https://euinfo.ba/en/>
www.balkanfund.org
<https://eacea.ec.europa.eu>
www.welcomeurope.com

KONKURS: NAGRADA KAISER-MAXIMILIAN-PREIS ZA EVROPSKE ZASLUGE NA
REGIONALNOM I LOKALNOM NIVOU ZA 2021. GODINU

Savezna pokrajina Tirol i grad Innsbruck su povodom navršavanja 85. godine života dugogodišnjeg gradonačelnika grada Innsbruck i predsjednika pokrajinskog parlamenta Tirola dr. Aloisa Luggera kao priznanje za njegove zasluge u Evropi 1997. godine utemeljili nagradu Kaiser-Maximilian-Preis, evropsku nagradu za regionalnu i lokalnu politiku savezne pokrajine Tirol i grada Innsbrucka.



Tokom priprema za godinu sjećanja na cara Maksimilijana 2019. godine savezna pokrajina Tirol i grad Innsbruck ponovno su pripremili nagradu Kaiser-Maximilian-Preis.

Dodjelom ove nagrade odlikuju se izvanredni projekti osoba, institucija, odnosno organizacija putem kojih se postiže evropska viša vrijednost na regionalnom i/ili lokalnom nivou. Podnosioci projekta moraju biti pouzdani i u stanju provesti i završiti projekt.

Posebno se uzimaju u obzir projekti koji se na poseban način čine zaslužnim za evropsko razumijevanje i konsolidaciju Evrope, miran suživot i slogu. Potrebno je navesti vezu s lokalnim i regionalnim nivoom. Podneseni projekti moraju pružati mogućnost provođenja dokazanih praksi i njihovog prenošenja kao najboljih praksi na druge općine i regije. Projekt ne smije biti usmjeren na dobit ili ostvarenje druge prednosti uz imovinsku korist i ne smije se kositi sa zakonskim odredbama ili općim evropskim pravnim načelima.

Nagrada Kaiser-Maximilian-Preis dodjeljuje se svake dvije godine. Nagrada se sastoji od povelje, medalje (lik Cara Maksimilijana I. iz 1509.) i novčane nagrade u visini od 10.000 EUR. Novčana nagrada namijenjena je za izvrstan projekt. Nagrada se dodjeljuje osobi, instituciji, odnosno organizaciji za evropske zasluge na regionalnom i lokalnom nivou.

Projekte je potrebno podnijeti online putem integrirane platforme za prijavu na internetskoj stranici www.kaisermaximilianpreis.at Projekte je potrebno podnijeti na njemačkom, francuskom ili engleskom jeziku.



Medalja sa likom Cara Maksimilijana I. iz 1509. koja se dodjeljuje kao dio nagrade



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, ...

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



NAJAVE OBILJEŽAVANJA DANA OPĆINA/GRADOVA ZA MJESEC DECEMBAR/PROSINAC

10. decembar/prosinac - Dan Općine Tešanj. To je dan sjećanja na vakufnamu Gazi Ferhad-bega kojom je 1559. godine utemeljen Tešanj.

16. decembar/prosinac - Dan Općine Novi Grad Sarajevo. Naime, ukazom Predsjedništva SRBiH o proglašenju Zakona o obrazovanju opština Sarajevsko Polje i Stari Grad Sarajevo od 16.12.1977. godine, obrazovana je Opština Sarajevsko Polje čiji teritorij je do tada bio u sastavu Opštine Novo Sarajevo. Ukazom Predsjedništva SRBiH o proglašenju Zakona o izmjenama Zakona o obrazovanju opština Sarajevsko Polje i Stari Grad Sarajevo od 27.09.1978. godine, zamijenila je naziv u Opštinu Novi Grad Sarajevo i pod istim funkcioniše i do danas.



Tešanj



Novi Grad Sarajevo

